

ՄԻՋԵԿԵՂԵՅԱԿԱՆ



ԵԿԵՂԵՅԻՆԵՐԻ ՆԱՄԱՇԽԱՐԱՅՈՒՆ ԽՈՐՀՐԴԻ «ՆԱՎԱՏՔ ԵՎ ԿԱՐԳ» ՆԱԽՆԱԺՈՂՈՎԻ ԼԻԱԳՈՒՄԱՐ ՆԻՍԱՐ ՄԱՆԱՅԶԻԱՅԻ ՄԱՅՐԱՔԱՂԱՔ ԿՈՒԱԼԱ ԼՈՒՄՊՈՒՐՈՒՄ (28 հուլիս - 6 օգոստոս 2004 թ.)

Հուլիսի 28-ից օգոստոսի 6-ը փնդի ունեցավ Եկեղեցիների Համաշխարհային Խորհրդի (ԵՄՆ) «Նավաք և Կարգ» Հանձնաժողովի լիազումար նիստը Մալաթիայի մայրաքաղաք Կուալա Լումպուրում:

Ն.Ս.Օ.Տ.Տ. Գարեգին Բ Ամենայն Հայոց Հայրապետի բարձր փնօրինությամբ, որպես Հայաստանյայց Առաքելական Եկեղեցու ներկայացուցիչ, նիստին մասնակցեց Շիրակի թեմի առաջնորդ Գերաշնորհ Տ. Միքայել եպս. Աջապահյանը (1999 թ. «Նավաք և Կարգ» Հանձնաժողովի անդամ):

Այդ նիստը «Նավաք և Կարգ» Հանձնաժողովի միակ լիազումար նիստն էր ԵՄՆ 8-րդ (փնդի ունեցած Զինբաքվեի մայրաքաղաք Հարարեում 1998 թ.) և 9-րդ (փնդի ունեցած Պորտո-Ալեքսանդր 2006 թ.) համաժողովների միջև: Լիազումար նիստի օրակարգը հաստատված էր ԵՄՆ 8-րդ համաժողովի կողմից, իսկ ընդունված փաստաթղթերը ներկայացվելու են ԵՄՆ 9-րդ համաժողովին: Նիստի նշանաբանն էր՝ «Ընկալարուք զմիմեանս» (Ղուդ. ԺԵ 7), և պարահականորեն չէր ընտրված նիստի վայրը, բանի որ Մալաթիան իր բնակչության ճնշող մեծամասնությամբ մահմեդական երկիր է, իսկ ներկայիս ահագնացող ահաբեկչության պայմաններում առաջնահերթ անհրաժեշտություն է դարձել քրիստոնեության և մահմեդականության երկխոսությունը:

Նիստը սկսվեց հուլիսի 28-ի առավոտյան՝ ԵՄՆ նորընտրի գլխավոր քարտուղար Մամուլ Կորիայի ողջույնի խոսքով: Ապա նիստը ողջունեցին Ասիայի Եկեղեցիների Խորհրդի գլխավոր քարտուղար Ան Յն Վունը և Մալաթիայի Եկեղեցիների Խորհրդի գլխավոր քարտուղար Հերման Շաստրին: Այնուհետև լսվեցին «Նավաք և Կարգ» Հանձնաժողովի արեւնապետ Դավիդ Եմբայի և գործադիր փնօրեն Ալան Ֆալկոների զեկույցները: Վերջինիս զեկույցն ընթերցեց առժամյա փնօրեն Թոմ Բեսթը, բանի որ նիստից ընդամենը մեկ ամիս առաջ Ալան Ֆալկոներն անցել էր հովվական ծառայության: Երեկոյան Կուալա Լումպուրի

Անգլիկան Մայր Տաճարում փեղի ունեցավ բացման պաշտամունք՝ քաղաքի անգլիկան եպիսկոպոսի նախագահությամբ:

Հուլիսի 29-ին լավեցին հիմնական զեկույցներ նիստի բնաբանի շուրջ: Հաջորդ օրերին զեկույցներ լավեցին և բնաբաններ եղան Մկրտության (հուլիս 30), Եկեղեցաբանության (հուլիս 31), Ազգային ինքնության և եկեղեցական միության (օգոստոս 2), Մարդաբանության (օգոստոս 3), ինչպես նաև Միջկրոնական երկխոսության (օգոստոս 5) շուրջ: Այս բոլոր զեկույցների և բնաբանների արդյունքում ընդունվեցին ուղենշային փաստաթղթեր, որոնք ներկայացվելու են 2006 թ. Պորտո-Ալեգրեում գումարվելիք ԵՀՆ 9-րդ համաժողովին:

Օգոստոսի 1-ին, կիրակի օրը, նիստի ուղղափառ անդամները ներկա եղան Կուալա Լումպուրի միակ ուղղափառ՝ Հնդիկ Մալանկարա Ս. Աստվածածին եկեղեցում մարտգլաված Ս. Պատարագին: Քարոզը խոսեց Ղապի Եկեղեցու ներկայացուցիչ միությունիւր Ամբաս Բիշն:

Օգոստոսի 3-ին նիստի մասնակիցներին այցելեց և իր բովանդակայից խոսքով ողջունեց երկրի վարչապետ Աբդուլլահ Բադաուին: Իր խոսքում նա ընդգծեց քրիստոնեության և մահմեդականության խաղաղ գոյակցության անհրաժեշտությունը՝ խոստանալով ամեն ինչ անել դրա համար: Վարչապետի խոսքն անկեղծ էր ու հուզիչ:

Օգոստոսի 6-ին ընդունվեցին բոլոր ուղենշային փաստաթղթերը և նիստի պատգամը՝ ուղղված անդամ Եկեղեցիներին:

Օգոստոսի 7-ին «Նավաբը և Կարգ» Հանձնաժողովի անդամ և լիազոմար նիստում Հայաստանյայց Առաքելական Եկեղեցու ներկայացուցիչ Գերաշնորհ Տ. Միքայել եպս. Աջապահյանը Մալայզիայում բնակվող միակ հայ Արմեն Բաբայանի հետ մեկնեց Մալակկա քաղաք՝ այցելելու փեղի բողոքական եկեղեցու բակում հանգչող Հակոբ Շահամիրյանի շիրիմին՝ փոխանցելու Հայաստանի ազատության ավերիսը: Սրբազան Հայրը՝ 230 փարի առաջ Հայաստանի ազատության երազով ննջած 29-ամյա հայ երիտասարդին այցելու առաջին հայաստանցի հոգևորականը եղավ: Սրբազան Հոր վկայությամբ՝ շիրիմն անխաթար է պահվում եկեղեցու հովիվների կողմից և համարվում է փաճարի նշանակալից հիշատակներից մեկը:

ՄԱՅՐ ԱԹՈՌ Ս. ԷԶՄԻԱԾՆԻ
ՄԻՋԵԿԵՂԵՑԱԿԱՆ ՀԱՐԱԲԵՐՈՒԹՅՈՒՆՆԵՐԻ ԲԱԺԻՆ